

Smijenjeni zvaničnici Kantona 10

Visoki predstavnik, Wolfgang Petritsch, i šef misije OSCE-a, Robert Barry, smijenili su sa funkcije guvernera i premijera Kantona 10, Ivana Ivica i Mirka Mihaljevica. Smijenjeni zvaničnici su o ovoj odluci obaviješteni jučer, u ponedjeljak 22. maja 2000.god.

I g-din Ivic i g-din Mihaljevic su zloupotrijebili svoje ovlasti upornim i ozbiljnim opstruiranjem provedbe Dejtonskog mirovnog sporazuma.

Od kada su preuzeli svoje funkcije u 1998.god., g-din Ivic i g-din Mihaljevic su bili na čelu kantona koji se može okarakterisati nefunkcioniranjem pravosudnog sistema i nepostivanjem vladavine zakona. G-din Ivic i g-din Mihaljevic su odbili da imenuju sposobne tužioce i sudije za Kanton 10 i na taj način uveliko oštetili građane koji poštuju zakon u Kantonu 10. Nadalje, oni snose krajnju, i često direktnu, odgovornost za zabilježene loše rezultate u oblasti provedbe imovinskih zakona u ovom Kantonu.

Oni su odgovorni i za to što je policija, pod njihovom punom kontrolom, na građane Kantona 10 primjenjivala potpuno drugačije i posebne standarde pravde i zakona ovisno o njihovoj nacionalnoj pripadnosti.

Očito zanemarivanje odgovornosti javnih zvaničnika i dobrobiti građana jasno je pokazala i reakcija premijera Mihaljevica na nedavni letak kojim je upućena prijetnja novinarima Kantona 10. Umjesto da osudi one od kojih je potekao ovaj napad, on je odlučio da okrivi same novinare. U međuvremenu, guverner nije nista izjavio, konačno reagirajući tek pod pritiskom izvršenim od strane Međunarodne zajednice.

Svojim stalnim opstruiranjem te odbijanjem da preduzmu neophodne korake, ova dva smijenjena zvaničnika su odigrala centralnu ulogu pri stvaranju klime neprijateljstva i netrpeljivosti u Kantonu 10 i pri tome nisu uspjeli da ispune obaveze prema građanima ovog Kantona.

Radnje kako g-dina Ivica tako i g-dina Mihaljevica pokazuju zabrinjavajući i neprihvatljiv vid opstrukcije. Zbog toga je Visoki predstavnik, vrseci ovlasti koje su mu dodijeljene Aneksom 10 Općeg okvirnog sporazuma za mir u Bosni i Hercegovini, odlucio da smijeni i Ivana Ivica i Mirka Mihaljevica sa njihovih funkcija guvernera odnosno premijera Kantona 10, te da im zabrani da vrse bilo kakvu javnu funkciju osim u slucaju ako budu ovlasteni za to. Ova Odluka je stupila na snagu jucer, 22. maja, i nece zahtijevati dodatne proceduralne korake. G-din Ivic i g-din Mihaljevic moraju odmah napustiti svoje urede.

Predsjednik Kantonalne skupstine, Anto Omazic ce biti vrsilac duznosti guvernera, a zamjenik premijera, Marko Bagaric, ce biti vrsilac duznosti premijera. Visoki predstavnik i Ambasador Barry ocekiju od Kantonalne skupstine da imenuje novog guvernera u roku od 30 dana, kako to zahtijeva Ustav Kantona 10.